

CONFERENCIA CUMBRE A PEGA AYERA ANOCHI Ariba FONDO DI SOLIDARIDAD

5 MILLON NO TA SUFICIENTE COMO FONDO PA RE-ESTRUCTURACION DI ARUBA

ORANJESTAD(AAN)— Den su discurso ayera na apertura di e mini conferencia cumbre, Sr. Betico Croes a trece bon cla di lanti cu Status Aparte mester ser realiza dia prome di januari 1988. El a muestra cu durante estadia di Ministro de Koning y di e delegacion hulandes di parlamentarionan na Isla Ariba, palabranan a ser expresa contra esaki y cu hasta den Staten General tabata tin expresion haci contra cambio di Statuut y necesidad di pospone Status Aparte.

El a muestra bon cla cu apesar di e situacion dificil actual e pueblo di Aruba ta sigui uni y cu e union aki y solidaridad lo triunfa.

Dos luna mas den e mes grupo aki a ser papia di e fondo di solidaridad y desxe e mini conferencia anterior a ser teni dos reunion. E comision di coordinacion a presenta nan programa di urgencia y dia 31 di januari a ser teni e conferencia politico na Aruba. El a muestra di ta satisfecho di tende di e comision di coordinacion cu e trabao nan di Aruba ta bayendo segun programa, locual ta contrario na e programa di urgencia di e comision.

El a muestra cu e comision a mete den asunto nan interno y cu ta prerogativo di gobierno di Aruba pa determina con e lo financia su Status Aparte etc.

Sr. Betico Croes a laga sa enfaticamente cu Aru-


ba lo mantene su mes na e terminonan fatal di e programa di urgencia.

"Aruba sa masha bon cu su situacion actual ta un di dependencia. Tambe cu e situacion financiero economico malo no ta afecta solamente Aruba pero tur otro isla. Tambe Aruba sa masha bon cu tin diferencianan politico di opinion entre politiconan di e islanan di antillas como internamente na Aruba y na Hulanda", el a bisa.

El a repasa pasado y a bisa entre otro despues cu politiconan Arubano a siña di antes. E dianan aki decisionnan mester cay ariba asunto di fondo di solidaridad especialmente y den esaki e punto di vista di Antillas ta completamente contrario na esun di Hulanda. El a laga sa cu e asunto aki mester ser mira den luz di e situacion financiero economico di Antillas en general y di Aruba en general. El a laga sa cu ayera mainta el a bin haya sa cu tin un fondo di 5 millon como fondo di re-estructuracion y cu esaki no ta suficiente y cu un dialogo ariba esaki mester tuma lugar y tambe ariba e asina "overbruggings-budget" pa Aruba y cu e puntonan aki mester di tur prioridad.

Sr. Betico Croes a expresa cu Hulanda como pais madre mester muestra su responsabilidad y den placa. Den ningun manera Hulanda mag compara

Sigui lesa pag. 13



Diario

DI ARUBA

Bo Matutino
Netamente Arubiano

DIASABRA 9 DI FEBRUARI 1985

AÑA 4, No. 1251

NATHALY KELLY DI TANKI LEENDERT A BIRA REINA JUVENIL

